



Broj: 02-04-1249/22-AP-3
Datum: 20.04.2022. godine

GRADSKO VIJEĆE ZAVIDOVIĆI
n/r PREDSJEDAVAJUĆOJ GRADSKOG VIJEĆA
mr. iur. Erna Merdić Smailhodžić

PREDMET: Odgovori na vijećnička pitanja sa 15. sjednice Gradskog vijeća Zavidovići održane 31.03.2022. godine, dostavljaju se

Povodom vijećničkih pitanja postavljenih na 15. sjednice Gradskog vijeća Zavidovići održanoj 31.03.2022. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA ADMIRA FOJNICE

Vijećnik Admir Fojnica: Poštovani/a,
na osnovu članova 8. i 87. Poslovnika o radu Općinskog vijeća Zavidovići, postavljam sljedeće vijećničko pitanje: Tražim informaciju od nadležne općinske službe, zašto se u posljednje četiri godine ne održava manifestacija izbora sportiste godine općine Zavidovići.

OBRAZLOŽENJE: Izbor sportiste Općine Zavidovići počeo se organizovati odmah nakon registracije Sportskog saveza 1997 godine.

Manifestacija je se održavala u martu mjesecu pod pokroviteljstvom Općine Zavidovići i drugih malobrojnih sponzora sve do 2017 kada je održana i zadnja manifestacija. Izbor sportiste Općine Zavidovići nije održan posljednjih pet godina uključujući i tekuću 2022. godinu.

S obzirom da sve općine u okruženju redovno održavaju izbor sportiste godine, a Zavidovići koji se sa svojim sportistima mogu ponositi, sportistima koji nas promovišu i na međunarodnoj sceni isto ne održavaju.

Od nadležnih službi tražim odgovor u pisanoj formi, da li možemo očekivati da se jedna ovakva manifestacija počne ponovo obilježavati u našem gradu.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/22-AP-138 od 26.04.2022. godine): Tradicionalna sportska manifestacija „Izbor sportiste godine općine Zavidovići“ godinama se održavala u organizaciji Sportskog saveza Općine Zavidovići. Nadležna Općinska služba nema uvid u rad Sportskog saveza općine Zavidovići uzimajući u obzir činjenicu da nije informisana o održavanju godišnjih skupština istog niti Planom i programom rada Sportskog saveza u zadnjih nekoliko godina, ukoliko ga i ima, tako da o konkretnim razlozima neodržavanja gore navedene manifestacije ne možemo iznijeti argumentovan stav. Nadalje, Sportski savez općine Zavidovići isto tako nema planirana sredstva u Budžetu zadnjih nekoliko godina tako da Programske aktivnosti istog nisu podržavane od strane Grada Zavidovići.

Svi sportski klubovi sa područja Grada Zavidovića su članice Sportskog saveza, te su zastupljeni u organima skupštine, a određeni broj ih je u Upravnom odboru Sportskog saveza, tako da je zabrinjavajuća činjenica što ne postoji inicijativa o održavanju manifestacije od strane istih obzirom da Grad Zavidovići putem Budžeta podržava sport i sportske aktivnosti u iznosu od preko 300.000,00 KM.

Nadležna Služba izražava spremnost za podršku organizaciji ili organizaciju navedene manifestacije, te je potrebno planirati dodatna sredstva za realizaciju iste.

2. VIJEĆNIČKA PITANJA VIJEĆNIKA SAMIRA SKEJIĆ

1. Vijećnik Samir Skejić: Pitanje za Upravu JKP „Radnik“. Obzirom da postoje indicije da preduzeće gomila tehnološki suvišak bio bih zahvalan za informaciju o ukupnom broju uposlenika, kadrovskoj strukturi i preglednoj statistici stručne spreme uposlenika.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-23/22-AP-86 od 28.04.2022. godine): U skladu sa Vašim aktom broj: 01-04-1032/22-AP-8 od 31.03.2022.godine obavještavamo Vas da je upućen dopis JKP „Radnik“ d.o.o. Zavidovići jer su i pitanje i inicijativa vezani, odnosno u nadležnosti imenovanog preduzeća, ali da do danas još nije stigao odgovor, te nismo u mogućnosti dostaviti odgovor na vijećničko pitanje Skejić Samir i stav po inicijativi Bošnjaković Hakija.

2. Vijećnik Samir Skejić: Pitanje za Službu za upravu društvenih djelatnosti
Obzirom da je u obrazovnom sistemu našeg grada implementirano i obrazovanje medicinskog kadra moliću odgovor na pitanje zašto i ko je izabrao da obrazuje medicinski kadar usmjerenog obrazovanja umjesto da obrazuje medicinski kadar općeg usmjerenja i zašto se u implementaciji ovog projekta kasnilo skoro pet godina spram pojedinih opština najbližeg okruženja.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/22-AP-138 od 26.04.2022. godine): Dana 15.04.2022. godine ova Služba uputila je dopis Mješovitoj srednjoj školi Zavidovići za dostavu tražene informacije, te je navedena škola dana 26.04.2022. godine dostavila odgovor na vijećničko pitanje vijećnika Skejić Samira, broj: 01-556, koji se nalazi u prilogu ovog akta.

3. Vijećnik Samir Skejić: Molio bih nadležnu općinsku službu za odgovor u kakvom je stanju nekadašnje atomske sklonište u gradu.
S poštovanjem,

Odgovor na vijećničko pitanje (Odgovor je sačinila Stručna služba gradonačelnika: Podzemno sklonište koje je izgrađeno u naselju zvano „Branioci grada“ je prema inventurnim listama u vlasništvu Grada Zavidovići iako nije uplanjeno i uknjiženo kao takvo u odgovarajućim evidencijama. Ulaz u sklonište je obezbijeđen metalnim vratima koja su zavrena sa ciljem sprečavanja neovlaštenog ulaska u isti. Unutrašnjost skloništa nije oštećena (nosivi zidovi) izuzev na jednom dijelu gdje je uočeno da kroz zidove prodire podzemna voda u manjim količinama. Kompletna instalacija je devastirana, odnosno elektro kablovi su otuđeni, a instalacija za vodu i kanalizaciju nije u funkciji. U unutrašnjosti skloništa se nalaze manje količine smeća. Prema stanju skloništa zaključuje se da isto nije završeno jer unutrašnji zidovi nisu finalno obrađeni (samo betonirani), nema uređaja za ventilaciju i zagrijavanje, niti je postojao namještaj za smještaj stanovništva u slučaju korištenja skloništa.

Za dovođenje skloništa u funkcionalno stanje potrebno je izdvojiti značajna finansijska sredstva koja bi se koristila za obnovu instalacije, pristupa skloništu (ulazna vrata), rješavanje pitanja mjestimičnih pojave podzemnih voda, nastavak radova na dovršetku skloništa (obrada unutrašnjih zidova i podova), postavljanje ventilacije i zagrijavanja skloništa, nabavka namještaja za sjedenje i druge neophodne radove sa ciljem stvaranje bezbjednih uslova za smještaj stanovništva u slučaju potrebe.

4. Vijećnik Samir Skejić: Dobio sam samo djelimične i nepotpune odgovore na pitanja. Pitanja upućena Domu zdravlja izgleda da nisu tretirana i zamolio bi da se to u skorije vrijeme ažurira.

Odgovor na dopunsko vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/22-AP-138 od 26.04.2022. godine): Dana 15.04.2022. godine ova Služba dostavila je akt Domu zdravlja Zavidovići, kojim je zatražila odgovor na dopunsko pitanje vijećnika Skejić Samira. Dana 21.04.2022. godine Javna ustanova „Dom zdravlja“ Zavidovići dostavila je dopis (odgovor na vijećničko pitanje), broj: 01-2.08-1666/22, koji se nalazi u prilogu ovog akta.

5. Vijećnik Samir Skejić: I pitanje vezano za etažnu nadgradnju zgrade Opštine nije tretirano. Zamolio bih u najskorijem roku da se odgovori. Hvala

Odgovor na dopunsko vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam broj: 06-45-20/22-AP-136 od 26.04.2022. godine): Izmjenama i dopunama „Centar I“ Regulacionog plana je planirana i usvojena nadogradnja jedne etaže zgrade Općine koja se nalazi na k.č. 1227/32 k.o. Zavidovići, time su se stvorili uslovi pribavljanja građevinske dokumentacije za nadogradnju jedne etaže zgrade Općine.

3. VIJEĆNIČKA PITANJA VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informacije i podatke o kretanju stanovništva općine Zavidovići od 2016. godine pa sve do danas?

Direktno pitanje:

Tražim od nadležne službe da nam dostavi podatke o broju rođenih, umrlih i broju stanovnika koje se iselilo sa područja općine Zavidovići. Podatke je potrebno dostaviti počev od 2016. godine.

Tražene podatke je potrebno dostaviti u ukupnom iznosu kao i po matičnim uredima.

Odgovor na pitanje treba da sadrži sljedeće informacije: godina, natalitet, mortalitet, iseljeno stanovništvo, matični ured i ukupno.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/22-AP-138 od 26.04.2022. godine): Kada je riječ o podacima o broju osoba koje su se iselile sa područja grada Zavidovići, obavještavamo Vas da ova Služba ne raspolaže istima, (ne vodi evidenciju o iseljenim licima). Naime, evidenciju podataka o prebivalištu / boravištu / kretanju građana vodi nadležno Ministarstvo unutrašnjih poslova. Prilikom upisa u matične knjige, upisuju se i podaci o prebivalištu građana na osnovu uvjerenja / obavijesti o prebivalištu (PBA obrasci) izdatog od nadležnog Ministarstvo (Policijske stanice), a podaci o promjeni (odjavi) prebivališta se ne dostavljaju Matičnim uredima. Što se tiče podataka o broju rođenih i umrlih lica upisanih u matične knjige Grada Zavidovići od 2016. godine pa nadalje, dostavljamo sljedeće podatke:

2016. godina

MKR-ih - ukupno 440	MKU-ih - ukupno 359
<u>MU Kovači – 75</u>	<u>MU Kovači - 44</u>
<u>MU Gostović - 79</u>	<u>MU Gostović-52</u>
<u>MU Hajderovići - 60</u>	<u>MU Hajderovići - 42</u>
<u>MU Vozuća - 25</u>	<u>MU Vozuća - 37</u>
<u>MU Zavidovići - 201</u>	<u>MU Zavidovići - 184</u>

2017. godina

MKR-ih - ukupno 504	MKU-ih - ukupno 394
<u>MU Kovači – 87</u>	<u>MU Kovači - 60</u>
<u>MU Gostović - 93</u>	<u>MU Gostović - 68</u>
<u>MU Hajderovići - 67</u>	<u>MU Hajderovići - 53</u>
<u>MU Vozuća - 31</u>	<u>MU Vozuća - 44</u>
<u>MU Zavidovići - 226</u>	<u>MU Zavidovići -169</u>

2018. godina

MKR-ih - ukupno 507	MKU-ih - ukupno 374
<u>MU Kovači – 92</u>	<u>MU Kovači - 53</u>
<u>MU Gostović - 102</u>	<u>MU Gostović - 52</u>
<u>MU Hajderovići - 59</u>	<u>MU Hajderovići - 51</u>
<u>MU Vozuća 23</u>	<u>MU Vozuća - 36</u>
<u>MU Zavidovići 231</u>	<u>MU Zavidovići -182</u>

2019. godina

MKR-ih - ukupno 435	MKU-ih - ukupno 368
<u>MU Kovači – 79</u>	<u>MU Kovači - 45</u>
<u>MU Gostović - 82</u>	<u>MU Gostović - 70</u>
<u>MU Hajderovići - 51</u>	<u>MU Hajderovići - 47</u>
<u>MU Vozuća - 19</u>	<u>MU Vozuća - 29</u>
<u>MU Zavidovići - 204</u>	<u>MU Zavidovići - 177</u>

2020. godina

MKR-ih - ukupno 493	MKU-ih - ukupno 436
<u>MU Kovači – 80</u>	<u>MU Kovači - 64</u>
<u>MU Gostović - 94</u>	<u>MU Gostović - 66</u>
<u>MU Hajderovići - 77</u>	<u>MU Hajderovići - 64</u>
<u>MU Vozuća - 19</u>	<u>MU Vozuća - 52</u>
<u>MU Zavidovići - 223</u>	<u>MU Zavidovići - 190</u>

2021. godina**MKR-ih - ukupno 482**MU Kovači – 84MU Gostović - 91MU Hajderovići - 57MU Vozuća - 33MU Zavidovići - 217**MKU-ih - ukupno 536**MU Kovači - 67MU Gostović - 95MU Hajderovići - 66MU Vozuća -58MU Zavidovići - 250**2022. godina, do datuma 18.04.2022. godine****MKR-ih - ukupno 120**MU Kovači – 25MU Gostović - 23MU Hajderovići-12MU Vozuća-5MU Zavidovići - 55**MKU-ih - ukupno 129**MU Kovači -1 9MU Gostović - 19MU Hajderovići - 13MU Vozuća -13MU Zavidovići - 65

2. Vijećnik Haris Hodžić: Dopunsko. Na pitanje za koje sam tražio da mi se dostavi Informacija o provedenim licitacijama prodaje Općinskih nekretnina od 2016. godine do danas, dobio sam odgovor da Služba za urbanizam nije nadležna za dostavljanje odgovora po ovom vijećničkom pitanju. Kad sam priložio odgovor kazao sam pismeno naznačio da se pitanje upućuje nadležnim općinskim službama. Služba za urbanizam kaže nije u našoj nadležnosti nego u nadležnosti Stručne službe Općinskog vijeća. Gospođo Samira, ako Vam je stručna ako Vam je Služba za urbanizam kazala da nije u njihovoj nadležnosti, znači Vi ste nam trebali dostaviti odgovor za ovo vijećničko pitanje, a ne da ja izađem i tražim dopunu vijećničkog pitanja. Vi ste dobili odgovor od nadležne službe, upakovali sve i vratili. Ako je u Vašoj nadležnosti, molim Vas da mi u što kraćem periodu dostavite odgovor. Zahvaljujem.

Odgovor na dopunsko vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-885/22-AP-3 od 13.04.2022. godine): Prodaja nekternine u vlasništvu Općine Zavidovići vrši se javnim nadmetanjem - licitacijom u skladu sa Pravilnikom o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BIH“, broj: 17/14).

Postupak javnog nadmetanja - licitacije za prodaju nekretnine provodi Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići, koju imenuje Općinsko vijeće.

Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići, koju imenuje Općinsko vijeće, periodično dostavlja Izvještaj o provedenim licitacijama, a isti se razmatra u okviru Izvještaja o radu Komisija Općinskog vijeća Zavidovići, u skladu sa Programom rada Općinskog vijeća Zavidovići.

U periodu od 2016. godine do kraja 2021. godine, prema službenoj evidenciji Stručne službe Općinskog vijeća, Komisija za sprovođenje javnog nadmetanja - licitacije za prodaju nekretnina u vlasništvu Općine Zavidovići, dostavila je slijedeće, i to:

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 01.01.-30.06.2016. godine, od 04.07.2016. godine. (prilog broj: 1)

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 30.06.-31.12.2016. godine, od 30.01.2017. godine. (prilog broj: 2)

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 01.01.-31.12.2017. godine, od 06.02.2017. godine. (prilog broj 3)

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 01.01.-31.12.2018. godine, od 30.01.2019. godine. (prilog broj: 4)

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 01.01.-30.06.2019. godine, od 25.06.2019. godine. (prilog broj: 5)

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 30.06.-31.12.2019. godine, od 30.01.2020. godine. (prilog broj: 6)

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 01.01.-30.06.2020. godine, od 15.06.2020. godine. (prilog broj: 7)

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 30.06.-31.12.2020. godine, od 30.01.2021. godine. (prilog broj: 8)

- Izvještaj Komisije za sprovođenje javnog nadmetanja - licitacije za prodaju nekretnina u vlasništvu Općine Zavidovići za period 01.01.-31.12.2021. godine, od 30.01.2021. godine. (prilog broj: 9)

4. VIJEĆNIČKA PITANJA VIJEĆNIKA AMERA AVDIČEVIĆ

1. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj:7-2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi, šta je razlog neodržavanja manifestacije dodjele nagrade za sportistu godine?

O b r a z l o ž e n j e

Svjedoci smo mnogobrojnih manifestacija dodjele nagrada za sportistu godine u raznim kategorijama, ali nažalost ne možemo nijednu vezati za našu Općinu. Godinama unazad manifestacija izbora sportiste godine je održavana u Zavidovićima, ali ipak to nije slučaj posljednjih nekoliko godina.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/22-AP-138 od 26.04.2022. godine): Tradicionalna sportska manifestacija „Izbor sportiste godine općine Zavidovići“ godinama se održavala u organizaciji Sportskog saveza Općine Zavidovići. Nadležna Općinska služba nema uvid u rad Sportskog saveza općine Zavidovići uzimajući u obzir činjenicu da nije informisana o održavanju godišnjih skupština istog niti Planom i programom rada Sportskog saveza u zadnjih nekoliko godina, ukoliko ga i ima, tako da o konkretnim razlozima neodržavanja gore navedene manifestacije ne možemo iznijeti argumentovan stav. Nadalje, Sportski savez općine Zavidovići isto tako nema planirana sredstva u Budžetu zadnjih nekoliko godina tako da Programske aktivnosti istog nisu podržavane od strane Grada Zavidovići.

Svi sportski klubovi sa područja Grada Zavidovića su članice Sportskog saveza, te su zastupljeni u organima skupštine, a određeni broj ih je u Upravnom odboru Sportskog saveza, tako da je zabrinjavajuća činjenica što ne postoji inicijativa o održavanju manifestacije od strane istih obzirom da Grad Zavidovići putem Budžeta podržava sport i sportske aktivnosti u iznosu od preko 300.000,00 KM.

Nadležna Služba izražava spremnost za podršku organizaciji ili organizaciju navedene manifestacije, te je potrebno planirati dodatna sredstva za realizaciju iste.

2. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj:7-2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi, zbog čega i dan danas na dnevnom redu, niti jedne Općinskog vijeća, nije se pojavila Inicijativa za dodjelu naziva jedne od gradskih ulica po Edinu Imamoviću- Strikanu? Zna li kolegij Općinskog vijeća da je protivno poslovniku stalno odlaganje inicijativa i uklanjanje istih sa dnevnog reda?

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1305/22-AP-2 od 26.04.2022. godine): Stav općinskog načelnika po predmetnoj inicijativi Stručna služba Općinskog vijeća zaprimila je 16.03.2022. godine, i istu uputila u proceduru radnih tijela. Na 18. sjednici Kolegija Općinskog vijeća održanoj dana 23.03.2022. godine, u skladu sa članom 31. stav 1. alineja 2. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 - isp., 9/14, 8/14, 8/19, 4/21 i 4/22), zbog obimnosti ponuđenog dnevnog reda, donio slijedeći:

„Z A K L J U Č A K

1. Kolegij Općinskog vijeća Zavidovići sa 7 (sedam) glasova ZA, 0 (nula) PROTIV, 1 (jedan) UZDRŽANIH, prihvata prijedlog Mirsada Bečića da se tačke pod rednim brojevima, koje glase: „15. Inicijativa vijećnika Samira Skejića za planiranje sredstava namijenjenih za izgradnju Planinarskog doma, 16. Inicijativa vijećnika Šemsudina Skejića za dopunu Inicijative aktivnosti na poboljšanju uređenja uže gradske jezgre, 17. Inicijativa Jedinstveno udruženje demobilisanih boraca za donošenje Odluke o načinu, uslovima i postupku finansiranja Udruženja građana iz Budžeta općine Zavidovići, 18. Inicijativa vijećnika Amira Avdičevića za izmjenu naziva jedne od gradskih ulica, te da se istoj dodijeli naziv „Ulica Imamović Edina - Strikana“, 21. Inicijativa vijećnika Admir Fojnice za rješavanje problema otpadnih voda u općini Zavidovići i 24. Inicijativa Kluba vijećnika Socijaldemokratske partije BiH za donošenje odluke o izgradnji nadzemne javne rasvjete u ulici „Podubravlje“ i „Viniški put“ na području MZ „Branioci grada“ i MZ „Dubravica“, ne uvrste u dnevni red 15. sjednice Općinskog vijeća, zbog obimnosti dnevnog reda, te da se odloži za narednu sjednicu Općinskog vijeća Zavidovići.“

Kolegij Gradskog vijeća, poštujući navedeni Zaključak predmetne tačke je uvrstio na narednu sjednicu, to jeste 1. sjednicu Gradskog vijeća, zakazanu za dan 29.04.2022. godine.

3. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj:7-2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi, postoji li mogućnost ugradnje dva tzv. Ležeća policajca na dionici Regionalne ceste R466 Zavidovići-kamenica-Ponjeri, na dijelu puta koji prolazi pored Ulice Jusufa Polića Ribara?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-04-1328/22-AP-2 od 13.04.2022. godine): Služba za upravu privrede, lokalni razvoj, infrastrukturu i međunarodnu saradnju u skladu sa postavljenim vijećničkim pitanje vijećnika Amira Avdičevića na 15. sjednici Gradskog vijeća, održane 31.03.2022. godine, a u vezi postavljanja dva „ležeća policajca“ na dionici regionalne ceste R466 Zavidovići – Kamenica - Ponjeri, na dijelu puta koji prolazi pored ulice Jusufa Polića Ribara, je uputila dopis broj: 03-04-1328/22-AP-1 od

13.04.2022. godine na adresu kantonalne Direkcije za ceste, koja je u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona. U nadležnosti ove direkcije je održavanje regionalnih cesta, kao i ostali poslovi vezani za regionalne ceste. Po izjašnjenju direkcije, pripremit će se odgovor koji će biti dostavljen na uvid.

4. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7-2014 - prečišćen tekst, 9/14, 8/18 i 8/19) upućujem vijećničko pitanje iz kojeg razloga nemamo video prijenos sjednica Općinskog vijeća iako to želi i većina vijećnika, pa i građana? Zašto su građani samo obaviješteni putem kratkih priloga o radu općinskog Načelnika i pojedinih direktora javnih ustanova, dok se Općinsko vijeće kao predstavnički organ vlasti, stavlja u drugi plan, te se oduzima pravo i vijećnika i građanina na transparentnost svih odluka, stavova i mišljenja?

Odgovor na vijećničko pitanje (Odgovor je sačinila Stručna služba gradonačelnika): Općina Zavidovići i Privredno društvo „SAMRT TV“ d.o.o. Tešanj zaključili su 27.01.2022. godine Ugovor o koprodukciji televizijskog programa za 2022. godinu broj: 02-11-104/22-AP-7. Navedenim ugovorom nije ugovoreno snimanje i emitovanje sjednica Gradskog vijeća Zavidovići u cijelosti, nego je ugovoreno snimanje i emitovanje priloga o održanim sjednicama Gradskog vijeća Zavidovići. Ugovorom zaključenim sa Privrednim društvom „Radio 1503“ d.o.o. Zavidovići ugovoren je direktan prenos sjednica Gradskog vijeća Zavidovići u cijelosti.

5. VIJEĆNIČKO PITANJE VIJEĆNIKA DEMIRA BULJUBAŠIĆ

Vijećnik Demir Buljubašić: Poštovano Radno predsjedništvo, kolegice, kolege vijećnici imam jedno vijećničko pitanje. Interesuje me šta se uradilo po pitanju Regulacionih planova „Maoča“ i „Kamenica“, da li je realizacija u toku i kada možemo očekivati Nacrt Regulacionog plana? Hvala.

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinsko-pravnih poslova i urbanizam, broj: 06-45-20/22-AP-136 od 26.04.2022. godine): Na osnovu člana 43. Zakona o prostornom uređenju i građenju („Službene novine ZDK“, broj: 1/14 i 4/16), i člana 39. i 118. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), Općinski načelnik Zavidovići je donio Rješenje o formiranju Savjeta Regulacionog plana „Kamenica“ i Regulacionog plana „Maoča“, broj: 02-19-2725/21-AP-2 od 26.11.2021. godine. Savjet RP „Kamenica i Maoča“ formiran je u sastavu od 14 članova Savjeta plana.

Nakon formiranja Savjeta plana održane su dvije sjednice Sajeve plana na kojima su se razmatrala oba Regulaciona plana, na drugoj sjednici su dogovoreni termini obilaska terena Kamenica i Maoča. U Maoču se izlazilo na teren 27.12.2021. godine, a u Kamenicu 15.01.2022. godine. Poslije obilaska oba terena održana je sjednica gdje je definisan projektni zadatak. Nakon toga prvo se radila priprema na dokumentaciji projektnog zadatka kao i digitalizacija planova tj. priprema geodetskih karata i planova, zatim je izvršena izrada projektnog zadatka. Priprema tenderske dokumentacije je u toku, planirano je do prve polovine maja da se obavi realizacija tenderske dokumentacije i izvrši izbor izvođača.

Nakon izbora izvođača izrade Regulacionog plana u periodu od mjesec do dva, možemo očekivati prednacrt Regulacionog plana, nakon čega ide nacrt Regulacionog plana, javna rasprava i na kraju prijedlog Regulacionog plana.

Sve navedeno se odnosi na Regulacioni plan „Kamenica“ i Regulacioni plan „Maoča“.

6. VIJEĆNIČKO PITANJE VIJEĆNIKA ZAHIDA AVDIČEVIĆ

Vijećnik Zahid Avdičević: Gospođo predsjedavajuća, kolege i kolegice vijećnici, gosti, predstavnici medija, predsjednici predstavnici Komisija, građani općine Zavidovići sve vas srdačno selamim i pozdravljam. Ja ću imati vrlo vrlo kratko pitanje, a odnosi se na stručnu službu Općinskog vijeća. Znači, tražim da mi se dostavi spisak Klubova koji participiraju u Vijeću, a ponukan zadnjim izjavama, to jest pisanjem po društvenim mrežama da postoje neki Klubovi vijećnika koji nisu ni učestvovali na zadnjim lokalnim izborima, o nekim narodima, nekim pravdama i da su oni predstavnici određene političke partije u Općinskom vijeću, a svi znamo da nismo. Znači, tražim pismeno da mi se dostavi sve svi Klubovi koji participiraju u Općinskom vijeću Zavidovići. Zahvaljujem.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1305/22-AP-2 od 26.04.2022. godine): U Gradskom vijeću Zavidovići djeluje šest Klubova vijećnika i to:

- **Klub vijećnika Socijaldemokratske partije:** - predsjednik Kluba Šemsudin Skejić, zamjenik predsjednika Kluba Haris Hodžić, (članovi Kluba SDP: Igor Šimšić, Hamdo Džinić, Adi Mahovac, Ferid Kaknjašević i Maja Bajramović).
- **Klub vijećnika Stranke demokratske akcije:** - predsjednik Kluba Hakija Bošnjaković, zamjenik predsjednika Kluba Hakija Osmić, (članovi Kluba SDA: Almin Dohranović, Šefik Jusić, Erna Merdić Smailhodžić, Rasim Mujkić).
- **Klub vijećnika Nezavisne bosanskohercegovačke liste:** - predsjednik Kluba Haris Mujanović, zamjenik predsjednika Emir Mujić, (članovi kluba: Armin Imamović, Refik Čatić).
- **Klub vijećnika A-SDA Stranka demokratske aktivnosti:** – predsjednik kluba Demir Buljubašić, zamjenik predsjednika Ajdin Polić).
- **Klub vijećnika Saveza za bolju budućnost i Građanske demokratske stranke:** - predsjednik kluba Ramiz Latifović, zamjenik predsjednika Avdičević Zahid.
- **Klub vijećnika Stranke penzionera** - umirovljenika SP/U i Pokret demokratske akcije – PDA: - predsjednik kluba Mirsad Bečić, zamjenik predsjednika Asim Sinanović.

U Gradskom vijeću Zavidovići, djeluju samostalni vijećnici:

- Admir Mujkić, vijećnika GDS, napustio Klub vijećnika GDS i djeluje kao samostalni vijećnik, od 14.06.2021. godine.
- Admira Fojnice, vijećnika SBiH, napustio Klub vijećnika SBiH i djeluje kao samostalni vijećnik, od 14.06.2021. godine.
- Samir Skejić, vijećnika NBL, napustio Nezavisnu bosanskohercegovačku listu i od 18.06.2021. godine, djeluje kao samostalan vijeću.
- Šemso Fehrić, vijećnik SBB, napustio SBB i od 13.07.2021. godine, djeluje kao samostalan vijećnik.
- Amer Avdičević vijećnik A-SDA, napustio Klub vijećnika A-SDA od 24.01.2022. godine i djeluje kao samostalni vijećnik.

Opredjeljenje pojedinih vijećnika da nastupaju kao samostalni vijećnici, dovelo je do promjena, na način da se formirao Klub vijećnika Saveza za bolju budućnost i Građanske demokratske stranke: obavještenje broj: 07/2021 od 15.07.2021. godine.

Stranka za Bosnu i Hercegovinu, Općinski savjet Zavidovići, dopisom broj: 26/2021 od 28.06.2021. godine, obavjestio je Općinsko vijeće da ne ispunjava uslove za formiranje Kluba.

PRILOG: - Obavještenje OO SBB, broj: 07/2021 od 15.07.2021. godine.

- Obavještenje SBiH, broj:26/2021 od 28.06.2021. godine.

7. DOPUNSKO VIJEĆNIČKO PITANJE VIJEĆNIKA IGORA ŠIMŠIĆ

Vijećnik Igor Šimšić: Dopunsko pitanje. Pozdravljam građane koji nas slušaju, a koji nas ne gledaju sve prisutne u sali. Dio odgovora mi je vrlo jasan, drugi nejasan i čak nelogičan i tu tražim dodatna pojašnjenja i reagujem. Ovo nam je prejasno da sa našim novim statusom imamo i novu pridjev, a to je grad mraka. Znači, nemamo ovdje sa novim oblikom upravljanja, vladanja, izvršavanja više medijskog praćenja televizijske kuće sjednica predstavničkog organa. Milio bi da mi dostavite taj ugovor nama kolegama vijećnicima, da vidimo mi to šta smo ugovarali. Druga stvar, kolko god tvrdite da branite neobranjivo ne ide vam. Na vašu žalost ovdje ima ljudi koji malo više gledaju i znaju po pitanju ove informatičke tehnologije i gledaju malo dalje od svog nosa, mimika i pogleda. Tiče se postavljanja sjednica u meni Opštinskog vijeća. Ograničen kapacitet vam je odgovor. Dajte, budite ozbiljni malo. Vi ovde nemate sjednice snimljene, pohranjene na mediju, nego imate linkove koji usmjeravaju na originalan medij. Što se tiče tih veličina vaših linkova može stati to na jednu običnu već zaboravljenu disketu. Odgovor mi stvarno vrijeda inteligenciju. Evo nudimo i rješenje. Smanjite obavijesti i slike ko je ušao u Opštinu i ko pije s kim kafu, pa ćete imati mjesta za pohranjivanje sjednica Vijeća. Ovde se radi o veoma bitnim stvarima. Mislim da je ova ovi prenosi sjednica Vijeća su bitniji nego ko kafeniše s kim. Hvala.

Odgovor na dopunsko vijećničko pitanje (Odgovor je sačinila Stručna služba gradonačelnika: U prilogu odgovora na vijećnička pitanja dostavlja se kopija Ugovora o koprodukciji televizijskog programa broj: 02-11-104/22-AP-7 od 27.01.2022. godine.

8. VIJEĆNIČKA PITANJA VIJEĆNIKA ARMINA IMAMOVIĆ

1. Vijećnik Armin Imamović: Pozdravljam sve prisutne. Ja idem sa dvije inicijative. Ukodanje finansiranja stranki stranaka političkih, jer situacija je alarmantna. Znači, trebamo mi na svom primjeru da pokažemo razvoj privrede i poljoprivrede.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1305/22-AP-2 od 26.04.2022. godine): Predmetna Inicijativa nije podnesena u skladu sa članom 171 a. stav 2. Poslovnika o radu Općinskog vijeća Zavidovići, te ne ispunjava osnovne uslove da bi se smatrala vijećničkom Inicijativom.

Odgovor dostavljamo u formi odgovora na vijećničko pitanje, kako bi vijećnik na osnovu iznesenih činjenica mogao dostaviti Inicijativu u skladu sa članom 171 a. stav 2. Poslovnika o radu Općinskog vijeća Zavidovići.

Političke stranke mogu se finansirati na način kako propisuje član 3. stav (1) tačka e) Zakona o finansiranju političkih stranaka („Službeni glasnik BiH“, broj: 95/12, 41/16), odnosno, politička stranka može da obezbijedi sredstva iz budžeta BiH, entitetskih budžeta, kantonalnih budžeta i budžeta Brčko Distrikta, te budžeta drugih jedinica lokalne uprave i samouprave, u skladu sa entitetskim zakonom.

U članu 7. stav (2) Zakona o finansiranju političkih stranaka propisano je da ukupna sredstva iz stava (1) ovog člana ne mogu prelaziti iznos od 0,2% budžeta BiH u kalendarskoj godini.

U članu 7. stav (3) Zakona o finansiranju političkih stranaka propisan je način raspodjele sredstava budžeta BiH političkim strankama, odnosno koalicijama političkih stranaka, na način da se.

- a. 30 % sredstava dijeli jednako svim političkim strankama, odnosno koalicijama političkih stranaka koje su osvojile mandate,

- b. 60 % sredstava dijeli prema broju poslaničkih, odnosno delegatskih mandata, koje svaka politička stranka, koalicija političkih stranaka, odnosno nezavisni kandidat ima u trenutku dodjele mandata,
- c. 10 % od ukupnog iznosa raspoređuje parlamentarnim grupama srazmjerno broju poslaničkih, odnosno delegatskih mjesta koja pripadaju manje zastupljenom spolu.

Član 7. stav (5) Zakona o finansiranju političkih stranaka propisano je da Parlamentarne grupe, odnosno klubovi poslanika i delegata i nezavisni kandidati u Parlamentarnoj skupštini BiH učestvuju u raspodjeli sredstava iz stava (3) tačka b) ovog člana prema broju poslaničkih, odnosno delegatskih mandata u domovima Parlamentarne skuštine Bosne i Hercegovine.

Član 7. stav (6) Zajednička komisija za administrativne poslove Parlamentarne skupštine BiH će svojim aktima detaljnije regulirati raspodjelu sredstava iz ovog člana, kontrolu trošenja i druga finansijska pitanja u vezi s provođenjem ovog zakona.

Analognim tumačenjem navedenih odredaba Zakona proizilazi da bi detaljan način raspodjele sredstava iz budžeta općine, za finansiranje političkih stranaka, odnosno koalicija političkih stranaka i nezavisnih kandidata, odnosno klubova poslanika i delegata, uređuje se aktima Gradskog vijeća.

Općinsko vijeće Zavidovići je na 19. sjednici održanoj dana 02.06.2014. godine donijelo Odluku o kriterijima i načinu finansiranja političkih subjekata zastupljenih u Općinskom vijeću Zavidovići („Službeni glasnik Općine Zavidovići“, broj: 3/14).

Predmetnom odlukom su utvrđeni kriteriji i način finansiranja političkih stranaka, koalicija političkih stranaka i nezavisnih kandidata kao i parlamentarnih grupa, odnosno klubova vijećnika zastupljenih u Općinskom vijeću Zavidovići.

Članom 3. Odluke o kriterijima i načinu finansiranja političkih subjekata zastupljenih u Općinskom vijeću Zavidovići, propisano je da:

„Sredstva planirana Budžetom općine Zavidovići, raspoređuju se političkim strankama, koalicijama političkih stranaka, nezavisnim vijećnicima te klubovima vijećnika zastupljenim u Općinskom vijeću na način da se:

- 30 % sredstava dijeli jednako svim političkim strankama, odnosno koalicijama političkih stranaka koje su osvojile mandate,
- 60 % sredstava dijeli prema broju vijećničkih mjesta, koje svaka politička stranka, koalicija političkih stranaka odnosno nezavisnih kandidata ima u trenutku dodjele mandata,
- 10 % od ukupnog iznosa raspoređuje parlamentarnim grupama srazmjerno broju vijećničkih mjesta koja pripadaju manje zastupljenom spolu.“

U Budžetu Grada Zavidovići za 2022. godinu, na transferu „Tekući transfer parlamentarnim grupama“, planirana su sredstva u iznosu od 69.600,00 KM.

PRILOG: Odluka o kriterijima i načinu finansiranja političkih subjekata zastupljenih u Općinskom vijeću Zavidovići („Službeni glasnik Općine Zavidovići“, broj: 3/14).

2. Vijećnik Armin Imamović: Druga je inicijativa da imamo obzirom da mi imamo po 400 maraka paušala bar da onda da imamo i četiri sjednice u toku mjeseca da izađe po 100 maraka jedna. Hvala vam.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1305/22-AP-2 od 26.04.2022. godine): Predmetna Inicijativa nije podnesena u skladu sa članom 171 a. stav 2. Poslovnika o radu Općinskog vijeća Zavidovići, te ne ispunjava osnovne uslove da bi se smatrala vijećničkom Inicijativom.

Odgovor dostavljamo u formi odgovora na vijećničko pitanje, kako bi vijećnik na osnovu iznesenih činjenica mogao dostaviti Inicijativu u skladu sa članom 171 a. stav 2. Poslovnika o radu Općinskog vijeća Zavidovići.

Odluka o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići – (prečišćeni tekst) („Službeni glasnik Općine Zavidovići“, broj: 2/2014) – (u daljem tekstu : Odluka), utvrđeno pravo vijećnika na naknade i to.

Član 5. Odluke, glasi: „Vijećnicima pripada naknada u paušalnom iznosu od 250,00 KM (slovima: dvijestotinepedeset KM), mjesečno.

Pored naknade iz stava jedan ovog člana vijećnicima pripada i naknada u iznosu od 150,00 KM (slovima: stotinupedeset KM), za sudjelovanje u radu Vijeća, po sjednici.“

Član 6. Odluke glasi: „Predsjedavajućem Općinskog vijeća pripada naknada u paušalnom iznosu od 500,00 KM (slovima: petstotina KM), mjesečno, a za sudjelovanje u radu Vijeća, po sjednici pripada mu naknada u iznosu od 200,00 KM (slovima: dvijestotine KM).“

Programom rada Općinskog vijeća Zavidovići za 2022. godinu, planirana je dinamika rada Gradskog vijeća za 2022. godinu, na način da se sjednice Gradskog vijeća Zavidovići održavaju jednom mjesečno, osim u mjesecu augustu.

Dinamika rada Gradskog vijeća treba da prati realizaciju planiranih tema za razmatranje. Materijali za sjednicu Gradskog vijeća dostavljaju se do 15. u mjesecu, da bi se mogle provesti propisane procedure, održati sjednice radnih tijela (ispoštovati rok za dostavu materijala radnim tijelima 3 dana prije održavanja sjednice radnog tijela i rok od 7 dana za dostavu materijala vijećnicima, prije održavanja sjednice Gradskog vijeća).

Na osnovu broja planiranih sjednica (11 redovnih sjednica), visini propisane naknade i broja Gradskih vijećnika, planirana su i sredstva u Budžetu Grada Zavidovići za 2022. godinu – transfer –, izdaci za naknade vijećnicima“ - u iznosu 170.500,00 KM.

Iznos sredstava potreban za održavanje jedne sjednice Gradskog vijeća (kada prisustvuju svi vijećnici) sa obračunatim porezima i doprinosima iznosi 14.659,04 KM, a u mjesecu u kojem se održi sjednica vijeća, vijećnicima se isplaćuje paušal sa obračunatim porezima i naknadama i iznosi 9.238,88 KM.

PRILOG: Odluka o osnovama i načinu isplate naknada i drugih primanja Vijećnika i drugih radnih tijela Općinskog vijeća Zavidovići – (prečišćeni tekst) („Službeni glasnik Općine Zavidovići“, broj: 2/2014).

S poštovanjem

PO OVLAŠTENJU GRADONAČELNIKA
broj: 02-45-9/22-AP-41 od 22.04.2022. godine
SEKRETAR GRADSKOG ORGANA
DRŽAVNE SLUŽBE

Dostavljeno:

1. Naslovu,
2. U spis.

Nermin Čahtarević, dipl. pravnik